

FEDERALNA AGENCIJA ZA UPRAVLJANJE ODUZETOM IMOVINOM, sa sjedištem u Sarajevu, ulica Put života br. 2, zastupana po direktoru doc.dr.sc. Vinko Jakiću, (u daljnjem tekstu: Agencija)

i

JAVNA USTANOVA CENTAR ZA EDUKACIJU SUDIJA I TUŽILACA U FEDERACIJI BiH sa sjedištem u Sarajevu, ulica Halida Nazečića br.4, Sarajevo kojeg zastupa direktor Arben Murtezić (u daljnjem tekstu: Centar)

zaključili su

SPORAZUM O MEĐUSOBNOJ SARADNJI

I OPŠTE ODREDBE

Član 1.

Ovaj sporazum se zaključuje sa ciljem uspostavljanja saradnje u oblasti stručne edukacije državnih i policijskih službenika i nosilaca pravosudnih funkcija u vezi sa finansijskim istragama i oduzimanjem imovinske koristi pribavljene krivičnim djelom.

Član 2.

Potpisnici su saglasni da se ovim sporazumom definiraju nadležnosti, načela, predmet saradnje i pružanja pomoći u skladu sa nadležnostima proisteklih iz zakonskih i podzakonskih propisa.

Član 3.

Ovim sporazumom se određuju osnove saradnje, uloge, obaveze i odgovornosti potpisnika ostavljajući mogućnost da se kasnije dodatno, preciznije i detaljnije utvrđuje njegov sadržaj ili pojedini dijelovi sadržaja.

II NADLEŽNOSTI

Član 4.

- (1) Agencija je u smislu odredbi Zakona o oduzimanju nezakonito stečene imovine krivičnim djelom („Službene novine Federacije BiH, broj: 71/14) nadležna za stručnu edukaciju iz područja finansijskih istraga i oduzimanja imovinske koristi pribavljene krivičnim djelom i to državnih i policijskih službenika i nosilaca pravosudnih funkcija (odredbe člana 30. stav (1) tačka c) i člana 31. tačka l.)

Član 5.

- 1) Djelatnost Centra je u smislu odredbi člana 3. stav (1) i (2) Zakona o centru za edukaciju sudija i tužilaca u Federaciji Bosne i Hercegovine je organizovanje, pod nadzorom Visokog sudskog i tužilačkog vijeća, stručnog usavršavanja sudija i tužilaca, izdavanje godišnjih uvjerenja o uspunjenim minimalnim uvjetima stručnog usavršavanja.

- 2) Odredbom člana 16. Zakona o centru za edukaciju sudija i tužilaca u Federaciji Bosne i Hercegovine stavom (1) propisano je da Centar svake godina organizira stručno usavršavanje sudija i tužilaca, stavom (2) da Centar, pod nadzorom Vijeća, izrađuje nastavni plan i program i provodi nastavu za stručno usavršavanje, garantujući sudijama i tužiocima održavanje i proširivanje njihovog znanja iz oblasti tehnike, kulture i društvenih odnosa, koje je neophodno za obavljanje njihove funkcije, stavom (3) da se sudijama i tužiocima pruža nastava iz oblasti tumačenja i primjene materijalnih i procesnih zakona, etičkih standarda za sudije i tužioce, najnovijih naučnih i stručnih dostignuća u oblasti prava, sudske i tužilačke prakse dugih zemalja, te drugih oblasti koje određuje Upravni odbor, stavom (4) da je stručno usavršavanje obavezno za sve sudije i tužioce, stavom (5) da Vijeće u saradnji sa Upravnim odborom, određuje minimalne uslove stručnog usavršavanja koje svaki sudija i tužilac mora ispuniti u toku godine, kako bi zadovoljio ovu profesionalnu obavezu, stavom (6) da Centar izdaje godišnja uvjerenja sudijama i tužiocima, koji su ispunili minimalne uslove stručnog usavršavanja.

III NAČELA

Član 6.

Agencija i Centar su saglasni da će saradivati u svim zajedničkim aktivnostima u vezi sa stručnim edukacijama sudija i tužioca iz područja finansijskih istraga i oduzimanja imovinske koristi pribavljene krivičnim djelom poštujući načela javnosti, efikasnosti, stručnosti, odgovornosti i ekonomičnosti.

IV PODRUČJA SARADNJE

Član 7.

- (1) Potpisnice su saglasne da će uspostaviti saradnju radi razmjene iskustva, informacija i tehničke pomoći u skladu sa zakonskim ovlastima, a u vezi organizovanja zajedničkih i pojedinačnih edukacija iz područja finansijskih istraga i oduzimanja imovinske koristi pribavljene krivičnim djelom .
- (2) Centar je saglasan da će na prijedlog Agencije u godišnji Program početne obuke i program stručnog usavršavanja uvrstiti teme i obuke iz područja finansijskih istraga i oduzimanja imovinske koristi pribavljene krivičnim djelom.
- (3) Potpisnice su saglasne da će sve dogovorene edukacije koje se zajedno organizuju u dogovoru, biti priznate kao obavezne edukacije nosiocima pravosudnih funkcija kako bi isti ispunili godišnje minimalne uslove stručnog usavršavanja.
- (4) Agencija i Centar su saglasni da će u edukacijama koje zajednički organizuju, zajedno nastupati prema domaćim i međunarodnim organizacijama koje bi potencijalno mogle biti pokrovitelj edukacija.

- (5) Agencija i Centar su saglasni da će nastojati izdavati publikacije iz područja finansijskih istraga i oduzimanja imovinske koristi pribavljene krivičnim djelom, a koje nastanu kao rezultat zajedničkih edukacija i projekata iz ove oblasti.
- (6) Angažovanje predavača Agencija i Centar će vršiti zajedničkim prijedlogom i međusobnim dogovorom za svaku pojedinu edukaciju.
- (7) Materijalno-finansijska sredstva za realizaciju zajedničkih edukacija, Agencija i Centar će snositi u skladu sa raspoloživim finansijskim sredstvima određenim za ovu namjenu.

VI NOSITELJ POSLOVA SARADNJE

Član 8.

Nositelji poslova saradnje će se organizovati na nivou Agencije i Centra, odnosno organizacionih jedinica u okvirima istih.

VII ZAVRŠNE ODREDBE

Član 9.

Ovaj sporazum potpisan je u 4 (četiri) istovjetna primjerka od kojih svaka strana zadržava po 2 (dva) primjerka.

Član 10.

Ovaj sporazum stupa na snagu danom potpisivanja.

VIII POTPISNICI SPORAZUMA

Federalna agencija za
upravljanje oduzetom imovinom

DIREKTOR
doc. dr. sci. Vinko Jakić

Broj: 01-34-51-02/22



Sarajevo, 04.04.2022. godine

Centar za edukaciju sudija i
tužilaca u Federaciji Bosne i Hercegovine

DIREKTOR
dr. Arben Muterzić

Broj: 01-34-51-02/22



Sarajevo, 04.04.2022. godine